

բերկրունն էին, եւ ազգակիցս մեր եւ հաւատակիցս փափաքին՝ եթէ եւ մեք եւս ուրախանամք. եւ յայտ հասին, զի Ուրբաթ էր օրս եւ պահք հաստատեալ ի սրբոց երեսփոխանաց Քրիստոսի, վասն որոյ այսմ աւնօրէնութեանցս մեր զամենայն պատիժ և զամենայն խռովութիւն յազգացս մեր և թէ յայլոցն ահա կրեմք, զոր և ապագայն Քրիստոսի է գիտելի. յորոց և յայլ չարագոյն պատժոց եւ յամենայն յորոգայթից չարին փրկեսցէ Քրիստոս Աստուած մեր զամենայն հաւատացեալս անուան իւրոյ, մանաւանդ զԱրմէնագիրեսս և զուղղափառ Լուսաւորչագաւանս՝ պահելով յօրէնս սուրբս եւ յուսն Լուսաւորչին մերոյ. ոչ յաջ եւ ոչ յահեակ խոտորելով, հանելով ի գլուխ ոահին՝ ի վերինն յերուսաղէմ ի սուրբ արքայութիւնն, ուր հաճոյացեալ նախնիքն մեր՝ հրճուեալ բերկրին. ընդ նոսին դասաւորեալ մեծաւ փառօք պսակեսցէ ըստ անսուտ բանին իւրոյ: Եւ ևս զտիղմնաթաւալս և ի ճանապարհէն արքունական անկեալ գծողս բանի ընդ ձեօք հանդերձ վեր առեալ յերամս նոցին խառնեալ՝ ի հանգիստ գլխոյն և ի լոյս հանցէ զթածն և ամէնողորմ բարերար ստեղծօղն մեր՝ բարեխօսութեամբ և հայցմամբ Մօր Սուրբ Կուսին, և գլխոյն մեր բազմաչարչար Սուրբ Հօրն խնդրուածովք: Ասասցեն երկինք և երկիր՝ Եղիցի՛ եղիցի՛:

Կիրակի Իթ-իս մեր Վարդապետն ի յԱստուածածին ծանուցում արար ժողովրդեանն վասն գերէտեանն՝ Պալչխցի Մղտեսուն, որ Թաթարն գերեցուցեալ զկին և զորդիսն և ի փող կտրեալ, զի փողն բերցէ և դարձուսցեն զգերիքն առ տէրն. և սա եկեալ աստ ի քաղաքս մեր, և ետ Վարդապետն մեր գիր զի յամենայն եկեղեցիս երթեալ ողորմութիւն գտցէ: Եւ օրս յԱստուածածին ինքն արար զբան եւ զխեղճութիւն նմին ծանուցում և ճ զուռուչ անկաւ անդ. վասն ու